

مارنگ گوجری نیوز بولیٹن 24 فروری 2026

یوہ آکاشوانی جموں ہے محمد اکرم تیں خبر سُنو۔

PRAHAR COUNTER TERRORISM POLICY

بھارتی حکومت نے ملک غی پہلی انسداد دہشت گردی پالیسی غی نقاب کشائی کی ہے۔ جس گو عنوان پر بار ہے۔ جس مانہ دہشت گردی غی خلاف ناقابل برداشت ور مبنی ایک جامع حکمت عملی گو خاکو پیش کیو گیو ہے۔ وزارت داخلہ غی طرفوں منظر عام ور آن آلی پالیسی انٹیلیجنس غی زیر قیادت روک تھام تے فنڈز، ہتھیارا تے محفوظ پناہ گاہاں نانہ روک غی دہشت گردی گا نیٹ ورک نانہ ختم کرن ور توجو مرکوز کرے۔ یہ دہشت گردی گا خطرات نال نمڑن واسطے ایک جامع فریم ورک گو خاکو پیش کرے۔ جھپڑو دہشت گردی گا خطرات نانہ روکن، تے اس غو مقابلو کرن واسطے ایک فعال نقطہ نظر گو استعمال کرے۔ وزارت نے ایک بیان مانہ کہیو ہے جد کہ خطرات گی نوعیت بدلتی رے۔ تے نویں للکار پیش آئی ریں پر ملک دہشت گردی غی تمام مشکلاں تے مظاہرو گو مقابلو کرن واسطے تیار ہے۔

DDC TERM END

جموں کشمیر مانہ اج پنچائتی راج گا نظام گی مدت ختم ہو گئی ہے کیوجے ضلع ترقیاتی کونسل اپنو 5 سالہ میار مکمل کررئی ہیں ڈی ڈی سی جموں کشمیر مانہ مقامی انتظامیہ غی آخری باقی ماندہ سطح تھی جس نانہ 2020 مانہ جموں کشمیر پنچائتی راج ایکٹ مانہ ترمیم غی بعد قائم کیو گیو تھو 20 ضلعاں وچوں ہر ایک ماہ 14 مُنتخب اراکین تھا جن غی مجموعی تعداد 280 بنے تھی وزیر جاوید احمد ڈار نے کہیو ہے کہ ڈی۔ڈی۔سی گا اختیارات افسراں نانہ منتقل کرن گی کوئے گنجائش موجود نی ہے تے اُ

غی مدت ختم ہون نال ہی ترے سطحی پنچائتی نظام وی اپنا اختتام نانہہ پُج
گیو بے جھیڑو مقامی جمہوریت گا اس باب گا ختامہ غی علامت بے۔

RAJOURI BUDGET QUEST

سرحدی ضلع راجوری نے مائی بھارت بجٹ کسٹ 2026 مانہہ ملک بھر مانہہ
سر فہرست مقام حاصل کیو بے جس نے ملک مانہہ سب توں زیادہ جمع
کران گا ریکارڈ بنایو بے۔ آکاشوانی جموں گا نامہ نگار غی اطلاع بے کہ قومی
سطح گا نامہ نگار گی اطلاع بے کہ قومی سطح گا ان لائین مقابلہ مانہہ
سرحدی خلع تیں کُل 14 ہزار 4 سو 2 نوجواناں نے حصو ليو تے اس دوران نویں
دلی ضلعو 1197 اندر اجات غے نال دوجہ نمبر بے تے اس غے بعد، مشرقی
دلی ضلع 8 ہزار 307 درخواستاں غے نال سامنے آيو بے یوہ معلوماتی مقابلو
مائی بھارت پورٹل ور 3 تیں 22 فروری توڑی منعقد کیو گیو تھو اس گو مقصد
نوجوان شہریاں مانہہ مرکزی بجٹ گا بارا مانہہ بیدادی تے سمجھ نانہہ فروغ
دینو بے معلوماتی مقابلہ مانہہ کامیابی حاصل کرن آلا ہون مضمون مانہہ اگے
بدیں گا تے منتخب اُمیدان نانہہ وزیر اعظم نریندر مودی نال گل بات کرن گو
موقعو ملے غو۔

RANJI TROPHY FINAL

رانجی ٹرافی گو آخری مقابلو پہلی بار فائنل کھیڈن آلی ٹیم، جموں کشمیر تے
8 بار غی چیمپین کرناٹک غے درمیان بلی کرناٹک مانہہ جاری بے۔ جموں
کشمیر نے ٹاس جیت غے پہلے بلے بازی گو فیصلو کیو بے۔ کرناٹک غی ٹیم
اپنی مرضی گا لیجنڈ کھیڈاریاں جس راہ، کت ایل رابل، کرون نیر، شریس
گوپال، مینک اگروال تیں متاثر ہوگے اپنی تجربہ کار بلے بازی تے ایک سنسنی
خیز سیزن غی رفتار ور انحصار کرے گی۔ جموں کشمیر جھیڑو پہلی بار
آخری مقابلہ مانہہ پُجیو بے تے ایسا بڑھ موقع گو سابقہ تجربو نی رکھتو اپنی
ہمت عزم تے ثابت قدمی ور پروسو کرے غو۔ جد کہ قابل اعتماد فاسٹ بالر

عاقب بنی تے ٹیم گا دیگر قابل اعتماد کھیڈاریاں غی کارکردگی تیں اُمید جُڑی
وی ہیں۔

KIWG FIRST DAY RESULTS

وین کھیلو انڈیا سرمائی کھیڈاں گو دوجو مرحلو کل گلمرگ مانہ شروع ہوو 6
جس مانہ ملک بھر تیں آیا کھیڈاریاں نے برف ور اپنی صلاحیتاں گو مظاہرو
کیو۔ پہلا دن جموں کشمیر گا وکار احمد لون، نے من سنو بورڈ، مانہ کانسہ غو
تمغو حاصل کیو۔ جد کہ فوج گا گلویندر شرما، تے ویوک رانا، نے بلترتیب
چاندی تے سونا غو تمغو حاصل کیو ہے۔ نارڈک سکنگ وومنز 15 کلو میٹر
مقابلہ مانہ، سی۔آر۔پی۔ایف، غی کاجل کماری، تے رینو، نے سونا تے چاندی گا
تمغہ حاصل کیا ہیں۔ جد کہ کرناٹک، غی ہوانی ٹی۔این، نے کانسہ گو تمغو
حاصل کیو۔ الپائین، کونڈوری مانہ ہماچل پردیش، غی سندھیا ٹھاکر، تے انچل
ٹھاکر، نے کالسریاں گا مقابلہ مانہ شاندار کارکردگی دسی ہے۔ جد کہ مرداں
گا مقابلہ مانہ فوج گا کھیڈاریاں نے زبردست کارکردگی گو مظاہرو کیو۔
